

欽定四庫全書

子部

產寶諸方



南京中医药大学图书馆版权所有

詳校官太醫院醫士臣舒岱

編修臣倉聖脈覆勘

欽定四庫全書

子部五

提要

產寶諸方一卷

醫家類

臣等謹案產寶諸方一卷不著撰人名氏宋史藝文志不載惟陳振孫書錄解題有之自明以來諸家書目亦罕有著錄者今檢永樂大典所載尚得七十餘方又十二月產圖一篇與振孫所記並合蓋即宋時之原本又別

有序論一首王卿月序一首皆殘缺當亦原書之佚簡也其方於保產之法頗為賅備而原第為永樂大典所亂已不可復考謹詳加釐訂以類分排首調經養血次安胎次胎中諸病次催生次產後次雜病仍為一卷其中所引各方多為後人所承用如人參飲子一方與朱震亨所製達生散雖品味多寡不同而以大腹皮為君人參為輔命意無異知震

亨實本此而增損之又如張元素以枳殼白
朮為東胎丸後人以為不宜於藜藿之軀易
以白朮黃芩相沿至今為便產良藥而不知
亦本是書所載之枳殼湯又今世治產後血
風有所謂舉鄉古拜者核其所用惟荆芥一
味即此書之青金散蓋荆芥主治風素問東
方主風而肝屬於木平肝木即所以助肺金
故以青金為名後人竊用其方而又翻切荆

芥字音詭名以炫俗耳凡此類皆可以證古
今傳授之由惟所用多降氣破血之品辛熱
震動之劑則古人稟厚可受攻伐有未可槩
施於後來者此則神而明之存乎其人矣乾
隆四十六年九月恭校上

總纂官臣紀昀 臣陸錫熊 臣孫士毅

總校官 臣陸費墀

原序

按產後禁忌調護之法載諸古方固非一條要以作勞
為大戒蓋百日之內篇脉未續血氣未充凡遷徙次舍
換易麻榻乘虛起行理髮盥面小則貽終身之疾大則
有不測之禍故遠者百日近者一月皆須極加調護毋
大喜怒毋縱笑語毋極思慮務令安靜以養血氣正新
種之本根土未附一經動搖不復發生必不得已而遷
徙動作猶須旬日之外為庶幾焉世因有深山窮谷及

田野之人飲食藥餌不繼甚至汲水浣兒躬自襁褓此皆平日異稟少欲而善飯故雖氣血少耗而根本自強然不可為常也王卿月序

大率治病先論其所主男子調其氣女人調其血氣血入之神也不可不謹調護然婦人以血為基本氣血宣行其神自清所謂血室不蓄則氣和血凝結則水火相刑月水如期謂之月信血凝成孕此乃調燮之常其血不來則因風熱傷於經血故血不通或外感風寒內受邪

熱脾胃虛弱不能飲食食既不充榮衛抑遏肌膚黃燥
面無光澤時發寒熱腹脹作痛難於子息子藏冷熱久
而勞損必挾帶下便多淋瀝忽致崩漏經云腹中如塊
忽聚忽散其病乃癥血涸不流而搏腹脹時作寒熱此
乃成癥或先後期雖通而或多或少或寡究病之源蓋本
於此

欽定四庫全書

產寶諸方

產圖

三月壬午安產吉

丙位藏衣吉

四月庚辰安產吉

甲位藏衣吉

五月丙戌安產吉

丙位藏衣吉

乾天德藏衣吉

六月甲申安產吉

庚位藏衣吉

七月壬戌安產吉

丙位藏衣吉

欽定四庫全書

產寶諸方

一

八月庚位安產吉

甲位藏衣吉

艮天德藏衣吉

九月丙位安產吉

壬位藏衣吉

十月甲位安產吉

庚位藏衣吉

十一月壬位安產吉

丙位藏衣吉

巽天德藏衣吉

十二月庚位安產吉

甲位藏衣吉

溫經湯

治女人曾經小產成帶三十六病腹脹唇口

乾日晚發熱小腹急痛手足煩熱大腸不調時泄利

經脉不勻久不懷妊方

吳茱萸

沸湯洗三次
焙乾秤三兩

當歸

大芎

人參

白芍藥

各二兩

麥門冬

三兩半去
心焙乾

桂

去皮別
研末

阿膠

炒白
色

牡丹皮

去
心

甘草

炙各
一兩

半夏

沸
湯

洗七次切
焙二兩半

右為粗末每服二錢水一盞薑五片煎至七分去

滓空心溫服忌生冷滑物

八珍散

治脾弱血虚心忪多困盜汗無力進食養氣

益衛產前後可服

白朮

人參

蓮肉

去心皮

甘草

炙各一兩

白茯苓

苓

烏藥

白扁豆

各二兩

熟地黄

一兩半

右為細末每服二大錢水一盞薑三片大棗一箇

煎至七分空心服加黃耆八錢尤妙

油錢散

治婦人血風

五加皮

牡丹皮

芍藥

各半兩

當歸

羌活

各一分

右為末每服一錢水一盞銅錢一文蘸油入銚內

煎七分溫服

千金散 治婦人赤白帶下

百草霜一兩 龍骨一錢 白石脂二錢

右為末空心溫酒調二錢

振振丸 治婦人經虛蓄冷積聚成瘕成塊月候不調

時作諸疾因而凝滯半產不實以至絕產

生地黄汁一升 生艾汁一升 銀石一升 牛膝末一升

半兩 酒浸 當歸末一兩 乾漆炒烟盡取

右三味末取一半入膏內再熬令稠入餘末和擣
丸如桐子大三十粒麝香溫酒下食前日三服
半月效

勝灸丹 子宮虛冷累細經半生瘀血內泊

艾葉

二兩

吳茱萸

二兩
揀淨

蒼朮

二兩
剉

陳皮

二兩

右用醋三斤同浸一伏時鍋中慢火煮候爛即入
白杵令勻如未爛時添醋以爛為度丸如桐子
大空心溫酒或飲下三十粒晚再服

羊肉地黄湯 補中益氣

生地黄

三合切

桂心

當歸

甘草

炙

芎

人參

右㕮咀每服三錢用羊肉汁一盞煎至六分去滓

溫服空心

治中丸

治脾胃寒濕飲食不消酸心嘔逆泄利腸腹

痛

白朮

人參

白茯苓

神麴

炒

麥蘖

肉